

拍MV遇暴雨 困難重重

24粒鐘冇食嘢 Windy 胃痛頂硬上



■詹天文希望唱更多不同類型的歌曲，展現出不同的魅力。



■詹天文舊歌《麻煩彈開》玩味十足。

詹天文最新單曲《一切都是原因的》，有別以往《麻煩彈開》、《大雕刻家》的跳唱歌路，改以空靈、縹緲的聲線演繹新歌，展現不同的魅力。Windy說：「每一次推出自己嘅作品都會覺得好興奮，感受到今次新歌唱法上嘅轉變。」她極度喜歡新歌曲風，因為感覺很夢幻、舒服，可以不斷重聽。

讚MV似藝術品

今次新歌由 Edward Chan 擔任監製，Windy 坦言感覺神奇：「錄音過程 Edward 唔會畀好大壓力，逼我交一啲嘢出嚟，而係引導我，又會熄燈畀我去感受個氛圍。每次我唱到一啲佢想要嘅感覺、啱 Feel 嘅句子時，佢都會好激動，好似一齊做緊一個 Project，感受嗰份喜悅。」她又稱很喜歡「我要變壯闊要抱壯闊的，我要變細緻吻細緻的塵」這段歌詞，她說：「錄音嗰時一層一層疊 Vocal 喺上面，好有化學作用，好有畫面！」

新歌MV拍足一日，又遇上暴雨，Windy表示是首次如此大挑戰：「真係好妙！第一次拍足24個鐘，加上冇咩食嘢，到後尾胃有少少頂唔住，但我都夾硬撐住，唔想辜負大家！」她續說：「雖然遇上天氣問題打亂計劃，但唔會好影響心情，因為團隊都好努力幫我去完成呢個MV，好感恩，所有辛苦係值得嘍！個MV好似一個藝術品，希望出嚟嘅效果大家會鍾意。」

血。痛，但她都頂硬上，不想辜負團隊的心。虛脫，並自爆拍攝期間沒有進食引致胃常齊心，將所有困難迎刃而解。她笑言拍完後感覺間遇上暴雨，故拍了24小時才完成，但她與團隊非《一切都是原因的》MV，當日天氣不穩，拍攝期「聲夢小花」詹天文（Windy）日前拍攝新歌

■只要MV效果好，詹天文捱苦也值得。

古淖文曾陷低潮 疑患抑鬱

日前古淖文（German）接受許文軒主持的TVB娛樂新聞台節目《Star-Talk》專訪，German說：「今次係比賽後第一首派台歌，回歸做歌手再出發，所以意義重大，一定要做到最好。今次製作班底好特別，全部來自澳門，我仲有份創作Rap詞。揀快歌係因為自己比較擅長，而且我以前嘅歌當中比較缺乏舞台上嘅快歌，所以表演上好需要。」



■古淖文（右）與許文軒無所不談。

German自爆參加《中年好声音2》前試過陷低潮期：「當時同前公司完約，跟住又爆發疫情，我睇唔到出路，有啲迷失，情緒出現咗狀況，我都唔知自己係咪有抑鬱。試過對住塊鏡同自己講『German你咁靚仔，仲未做到天王巨星，唔通咁就一世？』好彩身邊有朋友幫我好多，佢叫我冥想同讀喇身心靈書本，畀咗好多正能量同安慰我，慢慢自己爬番起身，踏出前一步。」

李居明全力打造「新光黃埔」



■李居明提攜新人不遺餘力。

李居明負責營運的新光戲院早前結業，將以全新面貌進駐黃埔天地。昨日他出席簽約儀式時透露，已成功租下黃埔天地近5萬平方呎用地，計劃6月至7月正式開幕，全力打造「新光黃埔」為電影娛樂文化新地標。他指黃埔天地有4間戲院，可提供1,200個座位，待具體計劃落實後，將改動成更合適的表演場地，計劃打造成「小紅館」，給予更多歌手演出場地，頭炮仍未決定，但傾向讓《中年好声音》歌手演出，亦會培育棟篤笑人才。他又稱會成立基金，每年注資100萬元，支持新晉導演及宣傳電影。

盧冠廷夫妻愈鬧愈愛

盧冠廷相隔9年，將於6月21、22日在紅館舉行演唱會，昨日他與太太唐書琛及演唱會主題曲《陪著我走》監製葉廣權出席記者會公布詳情。1985年盧冠廷創作《陪著你走》，如今昇華為《陪著我走》，揭示從「你」到「我」的歲月哲學。葉廣權爆盧冠廷唱這首由太太填詞的歌曲時熱淚盈眶，盧冠廷則稱因與太太有很多經歷，更自爆與太太的相處之道是經常鬧交：「否則點做夫妻？不過我哋係愈鬧愈精彩，哈哈！」



■盧冠廷感激太太在背後默默支持。